



**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

Quæstio III. De obiecto, & ordine, Charitatis.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

renti omnia, ut declarauit etiam ipsemet S. Thomas a. 10. & 12. Accedit, quod peccati malitia non solum priuatiua est, seu in priuatione sita, sed etiam positiva moralis, repugnans Deo ac diuinæ amicitia, vt dictum tom. 2. disp. 4. quæst. 1. dub. 2. Et confirmatur. Quia propterea non omnia peccata mortalia destruunt fidem & spem, quod cum illis non omnia habent propriam & specialem eiusmodi repugnantiam, licet alioqui ex se plane mereantur omnium donorum supernaturalium priuationem.

**ASSERTIO V.** Sicut ergo solus Deus est vera & realis causa ( saltem principialis efficiens ) gratiae & charitatis, eamque assiduo influxu conseruans ; ita solus ille gratiam & charitatem per modum principij physici destruit, non positiva actione, sed priuatiue per negationem seu subtractionem sui concursus. Sequitur ex dictis. Quæ etiam pariter fidei & spei, respectu peccatorum, quibus illæ destruuntur, accommodanda sunt.

### QVÆSTIO III.

#### De obiectis & ordine Charitatis.

Sanctus Thomas 2. 2. q. 25. 26.

**A**bsolutetur bec quæstio quinque dubitationibus. I. *Quot, & quanam sint obiecta materialia Charitatis; speciatim quomodo diligendi sint inimici; seu ad quidnam obligat preceptum de diligendis inimicis.* II. *An & qualis in charitate sit ordo: speciatim, qua ratione Deus diligendus sit super omnia.* III. *In quo consistat amor Dei super omnia; quidue ad eum requiratur.* IV. *An, & quaratione quoad bona spiritualia, nos ipsos potius, quam proximum amare debeamus: contra verò plus proximum quoad bona, seu temporalia, seu spiritualia, quam nos ipsos quoad bona temporalia.* V. *An & quis in ipsis proximis diligendis ordo seruandus sit.*

#### D V B I V M . I.

*Quot, & quanam sint obiecta materialia charitatis; speciatim quomodo diligendi sint inimici; seu ad quidnam obligat preceptum de diligendis inimicis.*

S. Thomas 2. 2. q. 25. 2a. 12.

**Q**uod ad primam partem dubitationis attinet, vbi de obiecto charitatis generatim queritur, non est hic quæstio de obiecto formalis charitatis, quod iam supra questione 1. dub. 1. & 2. explicatum est, sed de materiali. Pro quo supponendum, cum amare sit bonum alicui velle, dupliciter aliquid ex charitate diligi posse, vt docet Sanctus Thomas hic citat. quæst. 25. artic. 1. 2. 3. Primo per modum amici, cui volumus bonum. Secundo, tanquam boni quod amico volumus. Ad hoc, vt aliquid priori modo ametur, opus est, vt sit natura quedam intelligens, & capax bonitatis diuinæ, ac supernaturalis beatitudinis; in cuius communicatione fundatur amor charitatis. Ad secundum opus est, vt res illa sit ordinabilis aliquo modo ad bonum diuinum, seu æternam beatitudinem amici; ita vt secundum rectam rationem simpliciter censi possit bonum ipsius, in ordine ad beatitudinem æternam. Quo posito, sequentes assertiones statuimus.

**ASSERTIO I.** Velut amicum quisque diligere imprimis debet Deum, deinde seipsum, terrio proximum. Ita Sanctus Thomas articul. 1. & 4. & patet Matthæi 22. vers. 37. *Dilige Dominum DEUM tuum ex toto corde tuo, & in ulti anima tua, & in tota mente tua.* Et vers. 28. *Hoc est maximum & primum mandatum.* Et vers. 39. *Secundum autem simile est his.* *Diliges proximum tuum, sicut teipsum.* Vbi dilectio seu amor benevolentie ad omnia tria supradicta obiecta extenditur. Ratio sumitur ex dictis; quia in his omnibus tribus obiectis inueniuntur conditiones requiritæ ad amorem amicitiae superioris relatæ: quanvis interim charitas, vt ad ipsum amorem terminatur, non propriè habeat denominationem amicitiae, utpote quæ non est nisi ad alterum iuxta S. Thomam q. 25. a. 4. ex Gregorio hom. 17. in Euagelia: quomodo autem hi actus dilectionis ad eandem vicem spectent, dictum est q. 2. dub. 1. & 2.

**ASSERTIO II.** Proximi nomine intelliguntur, tum homines quilibet, etiam peccatores, & qui

nobis

nobis inimici sunt; tum etiam Angeli, modo æternæ beatitudinis capaces. Ita quod primum S. Thomas quæstione 25. articulo 1. 6. & 8. & patet ex Matthæi 5. vers. 44. *Dilegit inimicos vestros, benefacite his qui oderunt vos: Et orate pro persequentiis & calumniantibus vos.* Item Ioann. 4. ex parabola Samaritani. Hic tamen amor non excludit odium sanctorum erga peccatores, qua tales sunt, ut suolo dicetur. Secundum habetur apud S. Thomam articulo 12. & expresse etiam apud Augustinum lib. 1. de doctrina Christiana cap. 30. Ratio patet ex dictis; qua conuincit etiam, præceptum de diligendo inimico naturale esse; non obstante illo Matthæi 5. v. 44. *Dictum est antiquis odio habebis inimicum.* &c. siue illud referatur ad falsam interpretationem Pharisæorum, siue ad persequendas, & delendas armis & bello gentes Chananæorum; quibus cum ex mandato Dei iustum Israelitis bellum intercessit. De qua re optime differit Molanus ibidem.

**ASSERTIO III.** Tanquam res, quas amico volamus, diligitor à nobis primo ipsa charitas, ex S. Thoma q. 25. a. 2. Secundo, corpus nostrum & amici, quatenus & pars nostra est, & capax suo modo boni supernaturalis, & instrumentū Deo placandi per bona operā, ex eodem a. 5. iuxta illud ad Ephesios 5. v. 29. *Nemo enim unquam carnem suam odio habuit: sed nutrit & fecerit eam.* Et ad Romanos 12. v. 1. *Vt exhibeat corpora vestra hostiam viventem, sanctam, Deo placentem, rationabile obsequium vestrum.* Tertio, creaturæ irrationales qualibet, seu animatae, seu inanimatae, quatenus ad obsequiū Dei & salutē proximi promouendā conducent, ex eodē S. Thoma a. 3. Quarto deniq; ipsi etiam dæmones & damnati, secundum suam naturam spectati, in quantum scilicet volum in illos in suis naturalibus conseruari ad gloriam Dei; ex S. Thoma a. 11. Ratio patet ex fundamento positio; quia hæc omnia suo modo ad bonum ac felicitatem amici referri & conducere possunt.

Confirmantur hæc omnia ex Augustinol. 1. de doctrina Christiana c. 23. & 26. quatuor obiecta charitatis constituentia, vt declarat S. Thomas a. 12. Primum, quod est supra nos, Deum. Secundum quod est vñ nobiscum, nosipsum. Tertium, quod est iuxta nos, Proximū. Quartum, quod est infra nos, corpus propriū. Quo referri possunt cetera, qua tantum vt res quædam amici diliguntur.

Cum his vero non pugnant, vt in epte volunt huius temporis sectarij, moderata corporis castigationes, spiritualis boni causa suscepit, iuxta Apostolum 1. Cor. 9. v. 27. *Castigo corpus meum, & inseruitum redigo: ne forte cum alijs predicatorum, ipse reprobatus efficiar.* Imo vero hæc ipsa carnis castigatio subinde ad verum corporis amorem spectat, sicut ad amorem filij debita disciplina.

Quod ad secundā partem dubitationis attinet, quomodo diligendi sint inimici; intelliguntur hec nomine, qui aduersus nos inimicisunt. Nam eos, ad quos proprie inimici nos simus, habere nullos charitas patitur.

**ASSERTIO I.** Præceptum de diligendis inimicis iuxta S. Thomam q. 25. a. 7. & 8 obligat ad se-

quentia. Primo, vt eos nunquā odio habeant<sup>9</sup>, seu positiua odij signa illis exhibeam<sup>9</sup>, iuxta infra dicende q. 5. de odio. Secundo, vt, cū generali affectu amoris D̄um & proximos amamus, inimicos nō excludamus. Tertio, vt nec ab externis signis & effectis dilectionis, qua generatim & in communī exhibentur omnibus, excludatur inimicus<sup>9</sup>; vt cum aliquis pro omnibus infidelibus orat, vel pro toto populo; aut cum aliquis beneficiū etiā gratitutum impedit toti cōmunitati, cuius ipse inimicus<sup>9</sup> pars est. Quarto, vt homō habeat animū paratum, etiam in particulari & speciatim inimico exhibendi tam affectum internū, tum externā signa, & effecta amoris, vbi & quando id necessitas postulabit. Quinto, vt in casu necessitatis nostræ, vel alienæ, seu spiritualis, seu corporalis, adeoq; etiam, cum id opus est, ad vitandum peccatum scandalī, iuxta comunes leges charitatis, de quibus infra 4. du. 4. & q. 4. du. 2. re ipsa talis affectus & effectus amoris inimicis exhibeat, iuxta Prou. 25. v. 21. & Roman. 12. v. 20. *Si fuerit inimicus tuus, cibā illum iſi fuserit, da ei aquam bibere: prunas enim congregabis super caput eius, & Dominus reddet tibi.* Charitatis vtiq; iuxta Ambrosium, Hieronymum, Augustinum, Bedam, & S. Thomam ibidem: Non, suplicij æterni, vt exponunt Chrysostomus & Theophylactus.

**ASSERTIO II.** Quin etiam inimico veniam petente (quo casu ipsé iam inimicus esse definit) ea plane amoris signa ei exhibenda sunt, que sufficienter ostendant, depositum odii, & instauratam amicitia, salutē eam, quam ad quemvis proximum habere debemus. Ita Sylvestri V. *Charitas.* Nauarrius Manuali c. 14. n. 9. & 25. Valentiahic q. 3. pu. 2. Probatur ex illo Matthæi 18. v. 35. *Si ergo Pater meus celestis faciet vobis, si non remiseritis viuis quisque fratri suo de cordibus vestris.* Luc. 17. v. 3. *Si peccauerit in te frater tuus, increpa illum: & si paenitentiam egreditur, dimite illi.* Ratio est. Quia hoc necessarium est, non solum ad vitandum scandalū; sed etiam ne aliqui morale signum odij proximo exhibeatur.

Interim tamē pecularis amicitia fœdus aे familiaritatē, vt non tenemur inire cum vlo; ita quoq; possumus, si aliud nihil obstat, denegare inimico; & sepe etiam potest esse necessarium, si familiaritas illa sit nobis noxia, vel periculosa, vt post Caietanū hic q. 25. a. 8. recte Nauarrius Man. ii. 25. qui n. 9. recte etiam asserit, plerumq; in his casibus sufficere amorem naturalem, nec requiri supernaturalem.

**ASSERTIO III.** Extra casum vero necessitatis, specialem affectū & effectū amoris inimicis exhibere, pertinet quidē ad perfectionē charitatis, quæ in bono vincit malum, nō tamen ad necessitatem salutis. Ita S. Thomās q. 25. art. 8. & 9. Ratio est. Quia nec amicis, nisi in necessitate, ad hoc obligati sumus.

**ASSERTIO IV.** Neq; vero etiam tenemur inimico, quantumvis reconciliato, condonare ciuillem illam iniuriarum actionem, coram legitimo Magistratu, viaquæ legitima prosecuandam, qua petatur compensatio illati damni; aut iniurie satisfactio nobis, aut nostris necessaria, vel utilis. Ita citati offitiae. Ratio est. Quia in pari causa,

nemo tenetur suum comodum comodo proximi, etiam amici, postponere, ut patet du. 4. Præterquam quod aliquando nec possumus quidem remittere talem satisfactionem, ut de restitutione dicetur. Cauendum tamen, ne compensatio aspere exigatur ab eo, qui post debitam diligentiā adhibitam, soluendo non est; ne incurritur pena servi illius nequam, Matthæi 18. v. 34. Nonne ergo oportuit te misericordi conservari tui. &c.

**II** **ASSERTIO V.** Actionem vero criminalē contra inimicum, qui nos læsit, instituere, qua nempe sine vita nostra, nostroruū utilitate satisfactio penalē, seruato iuris ordine, exigatur, et si id quidem, si publici boni causa, ex zelo iustitiae, non ex priuatæ vindictæ cupiditate fiat, atq; interim non solum odiū, sed etiam scandalum, odijq; periculum absint, per se malum non sit; attamen quia inter homines parū in virtute progressos, id vix vñquā sincero ac puro affectu iustitiae, sine aliqua commixtione odij, seu priuatæ vindictæ cupiditate accedit; idcirco vbi de criminis in futurū perniciose nō agitur, eiusmodi actiones communiter sunt dissuadenda. Ita cum Syluestro V. *Charitas* q. 6. Valentia lo. cit. ex communī. Ratio primæ partis est, qd; talē satisfactionē vt iuste irrogat iudex, ita per se licite procurare potest alius; idque etiam si reus offerat alioquin sufficientem satisfactionē extra iudicium, vt docet ibidē Valentia, et si aliud indicet Sylvestri Secundam partē tradunt ijdē, post Chrysostomum hom. 12. super epistolā ad Romanos, qui proinde tales actiones vniuersim reprehendit, conuenienter Apostolo 1. Cor. 6. v. 7. Ratio ex diuisitatis patet.

Atq; ex his colligitur, an & qua ratione inimicos salutare vel resalutare, alloqui, vel colloqui cum ijsdē teneamus. Cum enim hæc sint specialia ac particularia amoris signa, per se quidem, extra casum necessitatis, inimico exhibere nō tenemur. Attamen ratione scandali, aut ne prouocetur vel renouetur, sed potius vt superetur odiū in alterntro ex dissidentibus, sāpē id esse potest necessariū; præsertim si de resalutatione loquamur, quā idcirco denegare inimico, regulariter est peccatum, vt omnes communiter notant; & quidem etiā mortale, si secundū patriæ consuetudinē, & qualitatem personarū, non resalutare habeatur pro notabilis contemptu salutantis, aut alioqui grauis scandali causa esset, vt recte Bannes.

**III** In particulari vero res tota ex circūstantijs prudentis viri, præsertim Confessarii iudicio, diligenter est expendenda, vt notarunt Caietanus, Valentia & Banneshica. 8. Certe superior licet quandoq; inferiori, in iustam pœnam transgressionis præterita, sermonis commercium negare poterit; modo abſit scandalum & necessitas priuati; exempli Dauidis in Absolonem 2. Regum 14. Idem fieri posset, si inimicus aut irrisorie per contemptum, aut nocendi affectu, adeoque insidiose ad perniciem quempiam salutaret. v. g. si procus Virginem. &c. quin etiam in casu necessitatis negare eiusmodi amoris officium proximo, oblevitatem materiæ, attenta ratione personarum & circumstantiarum, vt inter pueros, &c. sāpē tantum veniale est.

## D V B I V M II.

An, & qualis in charitate sit ordo; ac speciatim quaratione Deus diligendus sit super omnia.

S. Thomas 2. 2. q. 26. a 1. 2. & 3.

**Q** Væstio est de ordine charitatis, prout ad varijs sua obiecta materialia terminatur, de quibus actum quæstione præcedente; & sensus primi quæsti est, An & quomodo ex ijs alia magis, quam alia per charitatem diligenda sint.

**ASSERTIO I.** Est ordo aliquis in dilectione charitatis. Ita S. Thomas q. 26. artie. 1. & communis post Augustinum libro 1. de doct. Christ. c. 27. & 28. Probatur verbis sponsa ex Cantic. 2. v. 4. *Ordinanuit me charitatem.* Ratio S. Thomæ est, Quia vbi cunq; vnum est principium & causa ceterorum, in illis cernitur aliquis ordo prioris & posterioris, inferioris aut posterioris &c. sed in obiectis materialib⁹ charitatis est aliquod principiū & causa bonitatis aliorum, adeoq; etiam ratio amandī alia: Ergo &c. Accedit, quandocunq; ratio formalis obiecti ita se habet ad obiecta materialia alicuius habitus, vt quibusdam magis seu potius conueniat, quam alijs, cum habitus ille, qui per modū actus primi sic inclinat in sua obiecta materialia, prout ea rationem obiecti formalis participant, ordine quodam prius vel perfectius tendit in quādam obiecta, quam in alia. Sed ita se habet ratio formalis obiecti charitatis, nempe bonitas diuina, quæ directe quidem & essentialiter est in solo Deo, in alijs autem tantum participatione quadam, seu extrinsecare relatione & habitudine. Ergo &c.

Quo fit, vt etiā habitus charitatis in se simplex sit, virtute tamen quasi heterogeneus sit, pluresque ac diuersas inclinationes, magis vel minus perfectas (intra eandem speciem) eminenter continet.

Alia ratio est fidei circa obiecta materialia, quæ etiā dignitatis ordinem inter se habent, tamē secundū participationē obiectis formalis, quæ est reuelatio diuina, non differentur. Quocirca vt sic etiam omnia æqualiter creduntur, vt significat S. Thomas cit. a. 1. ad 2. & suo loco dictum disp. 1. q. 1. dub. 7.

Diuersa item est ratio spei, *reficiendo ad eum, cui spes innititur*, cum æque omnia, quæ speramus, diuina ope acquirenda sperentur. Secus est, si in materialibus spei obiectis attendamus rationem bonitatis & beatitudinis, quæ speratur; tunc enim nil obstat, respectu eiusmodi obiectorum, ordinem quoq; aliquem constitui inspe, vt etiam ex S. Thoma a. 1. ad 1. colligi potest; quanquā hunc ordinē Theologi speciatim explicare non solent, vel quod in praxi non ita multum momenti habeat; actibus spei, cum plerumq; solū interni sint, non ita se mutuo excludentibus, vt sit in actibus externis charitatis, præsertim erga proximos, quorum hic in primis etiam habe-

tur.

tur ratio; vel quod ex ordine charitatis intelligi potest, seruata proportione.

**ASSERTIO II.** Tribus modis res aliqua magis amari potest, quam alia, per charitatem; videlicet intensius, obiective, estimative. Est communis apud Doctores hic & in 3. dist. 27. & 29. Declaratur. Nam tria possunt in charitate considerari, quæ aliquam latitudinem habent, ac proinde quendam inter se ordinem & comparationem admittunt. Primo ipsa per se intensio amoris. Secundo, magnitudo bonorum, quæ alicui volum? Tertio, ipsa persona, cui bonū volumus, prout iuxta estimationē quendam alteri in amore amoris que effectu potest preferri.

Ex primo capite, adeoq; intensius dicitur magis amari, quod intensiore actu diligitur; licet id interim fortasse alteri minus intense amato simpliciter postponatur: quo modo parentes magis amare solent minores natu filios; quam grandiores, quos tamen estimatiue plus diligunt. Vnde sicut per actum scientiæ, quamvis remissum, firmius adhæretur obiecto, quam per actum opinionis, licet intensissimum; & per actum fidei certius, quam per vnum actum scientiæ; ita fieri potest, ut auctu amoris, quamvis remissiori, firmius quis adhæreat magno bono, quam per alium actum intensiorem bono minori; cum intensio actus non oriatur ex sola maioris bonitate obiecti, sed etiam ex maiori cognitione ipsius, maioriique facilitate, suavitate atque conatu amandi. Idem in simili cernitur in appertitione finis & mediorum: semper enim finis ut sic appetitiatue magis amatur, quam media, quæ tamen aliquando possunt amari intensius.

Ex secundo capite, dicitur aliquid magis amari, quam alterū obiective; id nempe, cui maiora bona amore quodā approbationis & complacentiæ diliguntur ex charitate, siue interim alicui rei alteri optemus maiora bona, siue non: qua quidem ratione per charitatem magis diligiri non potest, nisi quod ipsa melius est; et si Banes & nonnulli alij latius accipiant hunc terminū, ut videlicet idem sit, quod amore benevolentiae maiora bona alicui velle, seu complacendo de praesentib; seu optando & procurando absentia, extra casum tamen necessitatis; quo loquendi modo res itidem non habet difficultatem. Nam bona, quæ & quando nulli debita sunt, optare licet, cui quis malit; modo tamen ille, cui optantur, eorum vere sit capax; alioquin rationabiliter & absolute optari illi non poterunt, multo minus procurari.

Ex tertio capite, dicitur unum magis amari estimatiue, quam alterū, quando scilicet illud in amore alteri præfertur, plurisq; fit & estimatur; ac proinde etiā fortius, firmius, ac immobilius ei per amorē adhæretur; ita ut si opus esset, cetera potius, quam illud relinqueretur. Quod quidem fieri potest, non solū cum aliqua cum ceteris reipsa comparatio instituitur, sed etiam citra vllam comparationem expressam, cum simpliciter res aliqua, velut maius & excellentius bonum, iuxta amantis estimatiōem amatur, vt dicemus.

Addunt nonnulli, in quibus videtur etiam esse Sotus in 4. distinctione 17. quæstione 2. artic. 4.

huic triplici modo magis amandi, aliutn, quem vocant, secundum maiorem teneritudinem & mollem effectum. Sed hanc distinctionem refellit Vazquez 1. 2. disputatione 194. numero. 15. significans, hunc modum non differe à maiori intensione. Sed licet hunc amandi modum in proposito distinguendum non censeam, vt dicetur, non tamen puto eundem esse cum amore intensiore. Videtur enim potius significare aliam quandam amoris conditionem, secundum quam amor aliquis sensualis, aut in appetitu sensituum redundans dicitur; qui amor respectu obiecti corporei s̄pē periculosis esse potest, etiam si honestus non sit. Quocirca etiam huius amoris, vbi de ratione amandi spiritualiter agitur, non habetur ratio, nisi prout alio quodam sensu ipsam quoque spiritualis amoris dulcedinem & delectationem, amoris coniunctam, significare potest; quæ tamen ipsa parum ad propositum facit, cum ea vix sit in nostra potestate.

Quod vero speciatim ad ordinem diligendi Deum, in secundo huius dubitationis quæsto propositum attinet, sequentes assertiones constituimus.

**ASSERTIO I.** Deus est diligendus super omnia, hoc est, plus quā res omnes aliae, est de fide. Constat Matth. 10. v. 37. Qui amat Patrem aut matrem plus quam me, non est me dignus &c. Matthæi 22. v. 37. Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. Luc. 14. v. 26. Si quis venit ad me, & non vidit (minus diligit) patrem suum, & matrem &c. adduc autem & animam suam, non potest meus esse discipulus. Idem docet Augustinus loc. cit. l. 1. de doctr. Christi.

**RATIO S.** Thomæ q. 26. art. 2. est primo. Quia in qualibet amicitia præcipue diligitur ille, qui est causa & principiū eius boni in cuius communicatione fundatur amicitia, vt in politica amicitia Princeps. Atqui Deus est causa & principium beatitudinis cœlestis, in cuius communicatione fundatur amicitia charitatis. Ergo &c. Secundo, Charitas cum sit ordinatus amor, natura sua magis inclinat adamandum Deum, quam seipsum, vel res alias: Ergo iuxta inclinationem charitatis magis amandus est Deus, quam nos ipsi, aut res aliae. Antecedens probatur. Quia omnis pars natura sua magis diligit bonum totius, quam particulare & proprium: Sed D e v s est commune bonum omnium rerum, tum naturalium, tum supernaturalium; atq; omnes in illo continentur, & ad illum referuntur. Ergo &c. Idem patet in politicis membris, hoc est, ciuibus, qui si virtutibus politicis prædicti sint, pro bono communis vitam & fortunas exponunt. Addo, quod Deus est ratio diligendi cetera, item summum & infinitum bonum, adeoq; maxime diligibile.

**ASSERTIO II.** Deus non est ex præcepto diligendus super omnia intensius; et si maxime conueniat, ut amor Dei etiam intensius maior, aut certe minor non sit, quam amor creaturae. Ita Gabriel in 3. disti. 27. quæst. 1. a. 1. Maior q. 2. a. 4. Sotus in 4. d. 17. q. 2. a. 4. Nauarrus est c. 11.

num. 6. Ioannes Medina Codice de pœnitentia, q. 5. Vasquez 1. 2. disp. 194. n. 13. Arragonius hic a. 2. Valentia q. 4. punct. 1. Azor lib. 9. c. 4. q. 3. qui duo addunt, hanc esse communem Doctorum in 3. dist. 27. & 29. eandemque supponit S. Thomas in 4. dist. 17. q. 2. a. 5. et si contrarium dixerint Scotus in 3. dist. 27. q. 1. Durandus dist. 29. quest. 1. & apud Azorium loc. cit. Petrus Sotus, & Adrianus, rati Deum ex pœcepto magis etiam intensius diligendum esse, quam res alias. Quin etiam Bannes hic ait, *contrarium vix fieri posse absq; peccato veniali.*

24 Sed probatur prior illa pars assertionis primo, quia habitualis charitas tam erga Deum, quam proximum est eiusdem intensionis, cum nullus in charitate sit gradus, quin ad Deum simul & proximum diligendum inclinet: Ergo etiā actualis dilectio erga utrumque sine vitio eque intensa esse potest; cum utique habitus recte elicere possit actum sibi secundum intensionem æqualem, circa quodcumque obiectum materiale. Secundo; Adhuc sufficienter intelligitur, quomodo firmius & perfectius, quam uila creatura etiam intensius amat, ametur Deus, secluso illo intensionis excessu, ut dicetur.

Tertio, vix potest negari, charitatem in patria, secundum omnem intensionem suam ferri ad amandum, tum Deum, tum proximum, propter Deum; et si ad illū necessario, ad hunc in particulari libere &c. Cur ergo idem non possit fieri in via? Quarto, Deus uno & eodem simplicissimo actu se pariter, & omnes res creatas diligit, adeoque non intensius unum obiectum, quam aliud, ut plurib⁹ declarat Vasquez 1. parte, disp. 80. n. 121.

25 Quinto; Intensio gradualis actuum nobis est ignorissima, ita ut moraliter scire non possimus, quanta sit in hoc, aut illo actu intenso, seu compare, seu absolute loquamur. Ergo non est credibile, Deum voluisse homines ad certam intensionem in operando adstringere; ut sane quidem etiam minime adstrinxit in actibus fidei, aut aliarum virtutum. Sexto, respectu aliorum obiectorum materialium charitatis, puta patris & fratris, fratris & condiscipuli &c. non est ista intensionis differentia necessaria; Ergo nec respectu Dei & proximi.

Accedit, quod hoc pœceptum nullum habet in scriptura & SS. Patribus fundamentum: censendum est ergo, nullam certam intensionem charitatis in pœcepto esse; præsertim cu nec ipse quidem Spiritus sanctus videatur semper in suis excitationibus hunc ordinem seruare, ut ad diligendū Deum intensiores inspirationes imittat; ad proximi amorem excitandum minus intensas.

26 Secunda pars assertionis est communis, apud citatos; quia conueniens est, ut quanto bonum aliquod melius est, tanto etiam intensiori affectu ametur, aut certe non minus intenso, quam res alia inferior. Vnde si contrarium fiat, adeoque intensius ametur creatura, quam Deus, actus quidem erit negatiue minus perfectus, sed non priuatiue inordinatus; imo si utriusque amor, iuxta latitudinem totam intensionis, quæ est in habitu, sit æquè intensus, nullam omni-

no imperfectionem adiunctam habebit, ut ex dictis patet.

Obijcitur primo, quod SS. Patres subinde damare videntur intensorem amorem creaturæ, quam Dei; quin etiam S. Thomas q. 26. a. 6. ad 1. & a. 7. & sequentibus, dicit, *esse magis secundum intentionem alius diligenda ea, qua ex charitate magis diligenter.* Respondeo cum citatis, S. Thomam, cum alioqui tres illos modos diligendi magis Deum non distinguat, nomen intensionis latius accepisse; videlicet pro excessu estimationis, ut ex circumstantijs colligi potest. Eodem modo loquuntur SS. Patres; præterquam quod subinde speciatim agunt de amore creaturarum sensuali (etiam per se dishonestus non sit) & ad charitatem Theologicam non spectante; qui si valde intensus sit facile potest hominem conjicere in periculum penitus deferendi Deum; ratione cuius proinde nimius ille excessus utique caudens est.

Obijcit secundo Bannes; Proximus per charitatem semper diligitur propter Deum: Ergo charitas ex sua natura inclinat ad Deum intensius amandum, quam proximum: Ergo nec fieri quidem potest, ut per ipsum saltem charitatis habitum proximus diligatur intensius, quam Deus. Quod etiam significat Arragonius hic articulo 2. Sed negatur utraque consequentia. Inde enim solum probatur, DEVM per charitatem magis estimative diligere; sicut etiam opus non est, ut quis intensius assentatur principijs, quam conclusioni; quicquid dicat Bannes.

**A S S E R T I O III.** Deus amandus est super omnia, tum obiective, tum appretiative, seu estimative. Est extra controuersiam. Et primum patet ex dictis quæsto precedentibus. Nulli enim alteri velle possumus, ut sit bonum infinitum per essentiam.

Secundum expresse tradunt Gabriel in 3. dist. 37. q. 1. art. 2. Maior in 4. dist. 24. q. 2. Ioannes Medina Codice de pœnitentia q. 5. Sotus in 4. d. 17. q. 2. a. 4. Nauarrus Manuali c. 1. n. 20. Valentia, Bannes, Aragonius, & omnes recentiores hic q. 26. a. 2. & 3. Vasquez 1. 2. cit. disp. 194. num. 14. idemq; volunt S. Thomas hic q. 26. & alij veteres Doctores, cum absolute docent, Deum esse diligendum super omnia, et si vocabulo appretiative seu estimative non vtantur.

Probatur. Tum quia hoc maxime requiri infinitum bonum, ut in amore rebus omnibus cæteris præferatur, adeoque secundum affectum nostrum maiori in pretio habeatur, quam res alia omnes: tum quia alias simpliciter Deus non diligetur super omnia, etiam intensius vel obiective plus diligatur. &c. Tum quia huius contrarium aperte reprehendit Scriptura Ieremia 2. vers. 12. & 13. *Obstupescite cali super hot, & porta eius desolamini vehementer, dicit Dominus. Duo enim mala fecit populus meus: Medereliquerunt fontem aquæ viue, & foderunt sibi cisternas, cisternas dissipatas, quæ continere non valent aquas.* Idem volunt cætera Scripturæ loca, pro prima assertione citata. Et confirmatur: quia in hoc ipso postillatum

mum consistit malitia peccati mortalis, quod creatura Deo in amore præfertur, ut pluribus dictum tom. 2. disp. 1. quest. 1. dub. 5. & disp. 4. q. 1. dub. 2.

## D V B I V M III.

*In quo consistat amor Dei super omnia; quidue ad eum requiratur: Et an sit secundum naturam hominis inclinationem.*

S. Thomas 2. 2. q. 26. a. 2. & 3.

**Q**uam necessarium est diligere Deum, saltem estimatiue, super omnia, vt dubio præcedente dictum; tam difficile est intelligere, in quonam consistat hic amor Dei super omnia; quam rem proinde sequentibus assertionibus declaramus.

**A S S E R T I O I.** Hæc dilectio super omnia non dicit, nec requirit actualem comparationem Dei cum rebus cæteris, vt nempe quis expressè statuat, potius quodlibet malum pati, seu quavis alia re carere, amoremque ipsius deserere, quam aliquid contra Deum, aut eius amorem admittere; sed consistit in ipsa ratione amoris amicitia erga Deum, velut bonum undeque sumnum & infinitum, videlicet non solum in ordine rerum naturalium, sed etiam supernaturalium. Ita recte Vasquez 1. 2. disputat. 194. num. 14. & 19. & est ex mente communis Doctorum.

Ratio est. Tum quia tametsi quidem comparativus ille affectus sit sufficiens signum amoris Dei super omnia, non tamen est necessarius, nec adeo semper præsens, quoties Deus vobis amatur super omnia, vt etiam in simili de contritione docetur, in materia de penitentia. Tum quia hoc ipso, quod Deus vobis amatur velut summum ac infinitum bonum, etiam iuxta assimilationem amantis, pluris sit ipso affectu DEVS, quam res aliae omnes. Tum quia sola per se cognitio Dei, velut summi ac infiniti boni, seclusa omni creaturarum cognitione, potest utique causare amorem ipsi obiecto proportionatum ac debitum, qualis est amor eius super omnia. Denique idem docet praxis & experientia: & vero mortaliter impossibile est, quoties Deus pro debito amandus est, comparationem cum cæteris rebus omnibus instituere.

**A S S E R T I O I I.** Nihilominus dilectio Dei super omnia, seu formaliter, seu virtualiter, duo includit: unum negatiuum, vt scilicet appretiatum non solum nihil supra Deum, sed etiam nihil æquè diligamus ac Deum; alterum positivum, vt ipso affectu Deum habeamus tanquam finem ultimum Cui, ad quem cætera omnia formaliter aut virtualiter aliquo modo referamus. Ita recte Arragonius quest. 26. artic. 2. ex communis. Primum patet; quia per charitatem Deus, diligi debet tanquam summum

& infinitum bonum, cui proinde secundum estimationem nec præferri quidquam debet, nec aequiparari. Secundum consequitur ex præcedenti. Hoc enim ipso, quod diligitor Deus velut summum per se bonum, habetur ac diligitur etiam ipse tanquam finis ultimus Cui, ut dictum etiam quest. 2. dubio 1. & tom. 2. disp. 1. quest. 1. dub. 3.

**A S S E R T I O I I I.** Huic dilectioni quoad tramque partem simpliciter & absolute loquendo, solum repugnat peccatum mortale; non autem veniale. Est communis apud cítaros, & declaratur. Quia solum peccatum mortale constituit ultimum finem in creatura; peccatum autem veniale, vultus diligit quidem aliud præter Deum, atamen non velut ultimum finem, aut summum bonum, vt dictum etiam tomo 2. disp. 1. quest. 1. dub. 5. Atque in hoc ipso etiam consistit essentialis ratio dilectionis Dei super omnia, vt nihil diligatur contrarium charitati seu gratia sanctificanti, in quo fundatur amicitia erga Deum.

**A S S E R T I O I V.** Ipsum tamen etiam peccatum veniale obstat perfectioni cuidam accidentali amoris Dei super omnia, seu ad Deum velut ultimum finem Cui referēs omnia. Est communis ex dictis q. 2. dubio 6. Declaratur. Quia duplū intelligi potest, ad Deum velut ultimum finem positiue aliquo modo referri cetera omnia. Primo, vt stante amore charitatis erga Deum, vocula omnia comprehendat ea solum, quæ referibilia sunt, etiamsi aliquid interīam ametur, quod ad Deum referibile non sit, nec adeo ad Deum modo referatur. Et hoc est de essentia amoris Dei super omnia, nec per peccatum veniale ullo modo impeditur, vt patet. Secundo potest vocula omnia comprehendere vniuersim omnia extra Deum; & hoc sane modo peccatum venialiter, hoc ipso, quod aliquid appetit seu admittit, quod ad Deum nullo modo referibile est (nempe ipsum peccatum veniale, vt tomo 2. disp. 1. q. 1. dub. 4. dictum) caret hac perfectione amoris Dei super omnia, quæ tamen solum extrinseca quodammodo est & accidentalis, vt pluribus dictum q. 2. dub. 6. Quocirca etiam Caetanus 1. 2. q. 109. a. 3. vocat hunc amorem venialiter peccatis solum super omnia secundum quid; illum autem alterum super omnia simpliciter; quem tamen loquendi modum non censes imitandum.

Et secundum hæc quoque intelligi debet Vasquez 1. 2. cit. disp. 194. n. 19. cum ait illud, super omnia non debere referri ad quæcumque bona, quæ diligimus, sed ad contraria; cù quo nimis amore verus amor Dei amicitia constare nequit, &c.

**A S S E R T I O V.** Solus charitatis Theologicæ amor erga Deum, est simpliciter & absolute super omnia. Ita supponit Vasquez n. 113, nec in re dissentunt alij. Probatur. Quia, vt dictum q. 1. du. 1. & q. 2. dubio 2. duplex est amor Dei, amicitia scilicet, & concupiscentia: ille rursus vel naturalis est, vel supernaturalis, ad charitatem Theologicam spectans. Ex his amor concupiscentiae erga Deum properea non est simpliciter super omnia, non solum quia ex se non excludit peccatum

mortale.

mortale, præferens creaturam Deo; sed etiam quia præcise per ipsum Deus absolute non plus diligitur, quam ipse diligens, cum per hunc quidem amorem homo diligit seipsum, ut finem Cui, Deum vt finem Qui seu Cuius, qui ad finem Cui aliquo modo refertur.

Amor quoque naturalis erga Deum, quantumvis sit amor benevolentiae seu amicitiae erga eundem (quem idcirco etiam Sotus infra, Caietanus, Medina, Zumel, & alij Thomistæ recentiores 1. 2. q. 109. a. 3. cum S. Thoma ibidem ad 1. vocant super omnia, nempe in suo ordine ac genere) nec ipse tamen simpliciter est super omnia. Tum quia nec iste simpliciter tollit peccatum mortale repugnans amori Dei super omnia; quicquid dicat Vasquez disput. 195. cap. 2. & 3. omnem amorem amicitiae erga Deum, esse amorem charitatis, incompossibilem cum peccato, contra S. Thomam, & omnes fere Theologos, vt dictum citat. quæst. 2. dub. 2. & tomo 2. disp. 6. quæstione 3. dub. 3. & videtur est apud eundem. Tum quia per illum amorem Dei naturalem, præfertur quidem Deus rebus omnibus alijs eiusdem ordinis, videlicet naturalibus, non tamen supernaturalibus; cum ad hoc genus rerum amor ille nec formaliter, nec virtualiter extendatur, vt pote consistens solum intra metas ordinis naturalis.

**ASSERTIO VI.** Omnis verus amor charitatis erga Deum est super omnia; & quidem etiam efficax; et si non eodem modo. Prima pars est communis Doctorum, quos citavimus, eamque tradit etiam Vasquez 1. 2. disp. 194. & colligitur ex dictis. Omnis enim amor amicitiae erga Deum, vt summum & infinitum undequeque bonum, est amor Dei super omnia, vt dictum: atqui omnis amor charitatis erga Deum, est amor amicitiae erga eundem, velut summum undequeque & infinitum bonum. Ergo. &c.

Secunda pars asseritur ab eodem disp. 194. n. 36. contra Sotum, vt appareat lib. 1. de natura & gratia cap. 22. & quodam recentiores Thomistæ 1. 2. quæstio. 109. articulo 3. vbi Zumel disp. 3. conclusione 4. qui dicunt, ipsum etiam amorem super omnia erga Deum, vt bonum ac finem supernaturalem, alium esse efficacem, In ordine scilicet ad propulsanda peccata contraria diuinæ amicitiae: alium ineffacem; hunc explicant per actum conditionatura, vellem D E O placere in omnibus & per omnia; quem actum etiam asserunt elici posse sine auxilio gratia; illum per absolutum actum volo.

Sed probatur assertio. Tum quia ineffacem amor erga Deum non potest esse super omnia; quandoquidem stare potest cum affectu peccati mortalis, vt fatentur illi auctores. Tum quia omnis amor charitatis, debet esse absolutus quidam affectus, quo quis velit D E O velut amico bonum, ex studio & complacentia ipsius, & propter ipsum; quoque proinde etiam absolute quis velit D E O in omnibus, ne quid impedit possit amicitiam eius, placere. Quo sic, vt sicut recte notat Vasquez, ex vi illius, occurrante quavis occasione, efficiatur quicquid ad

hoc necessarium est, & quævis transgressio præcepti insignis eo impediatur, aut talis amor cessare debeat. Omnis igitur amor ex se efficac est ad seruandum in futurum quodus præceptum, nisi sponte cedat contrarijs. Tum quia conditionatus ille actus per se reuera non est velut præsens ac verus amor charitatis erga Deum, sed vt summum (iuxta dicta tom. 2. disputatione 2. quæstione 3. dub. 1.) complacentia quodam simplex de absente: qualem proinde auctores illi etiam viribus naturæ haberi posse concedunt; quod tamen de amore charitatis nullo modo admitti potest, vt dictum suo loco de gratia quæst. 3. dub. 3. Tum quia alias fatendum esset, non quemvis amorem charitatis repugnare peccato mortali, idque delere, quod tamen videatur nolum in Theologia. Vnde etiam Zumel tandem conclus. 7. asserit, affectum illum inefficacem specie distingui ab affectu supernaturalis charitatis. Accedit illud S. Gregorij homil. 30. in Euang. Nunquam est Dei amor otiosus: operatur enim magna, si est: si vero operari renuit, amor non est.

Interim non nego, amorem Dei in genere, & late loquendo, alium dici posse efficacem, alium inefficacem, cum hanc distinctionem eriam in 1. 2. loco citato de gratia secutus sim. Sed nego, amorem, qui sit verus actus charitatis, posse esse inefficacem intrinsece; et si ab euentu omnis ille inefficax quodammodo dici possit, qui quantumvis in seipso, atque in actu primo efficax, reipsa per peccatum mortale vincitur; quod est per accidentem, & ad propositum impertinens; cum id cuiilibet charitati via, quamvis perfectissima, conuenire possit, vt supra dictum.

Dices; Potest homo habere simplicem affectum complacentiam de Deo, velut summum bono & supernaturali; ita scilicet, vt affectu benevolentiae, complacet alicui, Deum esse summum bonum etiam supernaturale, ac finem nostrum, quo omnia referri debeant: hic autem affectus non videtur esse efficax; & tamen est affectus charitatis. Respondeo, si hic sit verus affectus complacentiae, esse quodam affectum ab solutum, quo quis simpliciter velit Deum esse summum bonum supernaturale, ac supremum finem omnis creaturaræ; qui affectus cum nequeat stare cum peccato mortali, non potest esse inefficax.

Vbi simul notanda est differentia inter affectum simplicis complacentie de alio bono finito, & de bono diuino. Cum enim creatura sua natura non sit bonum infinitum, & finis Cui, respondeo, non est necesse, vt amor eiusdem formaliter aut virtualiter includat relationem ipsius operantis, omniumque actuum eiusdem ad ipsam creaturam, velut ultimum finem Cui, neque vt excludat omnem affectum erga aliam creaturam, quantumvis fruitioni prioris creaturæ repugnantem; saepe enim videmus hominem simplicem affectum ferri in voluptates carnis; cum tamen simul habeat oppositum affectum honoris, excludentem affectum seu intentionem efficacem erga voluptates carnis. At vero hoc ipso quod bonum diuinum sumum & infinitum, suaq; natura finis est omnis creaturæ, necessario amor eiusdem virtualiter includit.

includit relationem hominis ad eundem Deum, veluti finem Cui; ac simul eadem ratione excludit omnem affectum contrarium amori eiusdem boni, adeoque affectum peccati mortalis; non autem venialis ut pote cum Deo sine ultimo eiusque amore non pugnantis.

44 Nihilominus tertia pars assertionis ita facile declaratur. Quia tametsi, ut dictum, omnis verus amor charitatis erga Deum ex se efficax sit; est tamen simul quædam in ipso differentia, quod alius re ipsa concipitur, & habet se per modum intentionis, cuius vi hic & nunc re ipsa efficaciter media opportuna applicantur ad amicitiam Dei conseruandam. Alius vero concipi potest abstracte & absolute, per modum simplicis amoris, sine respectu ad media hic & nunc ex vi illius amoris eligenda, ut patet, quorum iste respectu prioris minus efficax est; ille magis, ut in simili etiam de actibus spei dictum. q. i. dub. 1.

45 ASSERTIO VII. Homo naturaliter magis inclinatur ad amandum Deum naturæ finem, quam seipsum; ac proinde amor Dei super omnia est secundum inclinationem naturalem hominis. Ita S. Thomas hic q. 26. a. 3. & 1. parte q. 60. a. 5. Caieranus, Bannes, Arragonius, aliquique Thomistæ ibidem, Scotus in 3. dist. 27. Richardus & Durandus dist. 29. Gandauensis quodl. 4. q. 11. Sotus l. 1. de natura & gratia c. 6. & 22. Valentia hic punct. 2. Vasquez 1. 2. disp. 194. et si contrarium dixerint Alesensis 3. parte q. 30. memb. 1. Albertus, Gabriel, Bonaventura in 3. dist. 25. Alfonsoirensis lib. 3. summæ tract. 5. c. 3. q. 1.

46 Probarunt assertio primo, Charitas supernaturalis & gratia non euertit, sed perficit naturam; sed illa magis inclinat ad amandum Deum, supernaturaliter, ex dictis: Ergo & hæc ad magis amandum naturaliter. Secundo; voluntas cum sit appetitus rationalis, naturaliter inclinatur ad id, quod ratio naturalis dicat, & præcipit; sed hæc præcipit, Deum esse diligendum, super omnia. Ergo, &c. Tertio. Omnis res naturaliter fertur præcipua quadam inclinatione in suum finem: Deus est finis naturæ hominis: Ergo, &c. Quarto; Inclinatio naturalis hominis non est per se mala & inordinata, adeoque nec ad per se malum inclinatur, cum sit à Deo auctore naturæ; sed inclinatio ad magis amandum se, quam Deum, per se & intrinsece mala est: Ergo, &c. Quinto; Omne peccatum est contra naturam hominis, in quantum rationalis est, ex 1. 2. Ergo etiam inordinata illa inclinatio ad seipsum: Ergo contraria est secundum naturam.

47 Nec obstat primo. Quod appetitus saltem sensitivus dicitur propendere ad malum naturaliter. Nam primo etiam iste per se ac formaliter solum inclinat ad obiecta sensibilia, quatenus secundum se bona quædam naturæ sunt, non autem ut per accidentem ob circumstantias extrinsecas sunt mala, & cum ratione pugnantia. Secundo; Alia ratio est appetitus sensitivus, alia rationalis: hic enim per se fertur in bonum rationis, quod nunquam potest esse in honestum; ille in bonum sensus.

Nec secundo obstat, quod amicabilia ad alterum, sunt ex amicabilibus ad se, ex Aristotele 9. Ethic. 9. hoc enim, ut recte notauit Sanctus Thomas quæst. 26. art. 3. ad 1. intelligitur de bonis alienis particularibus, non autem de fonte omnis boni, qui est Deus; hic enim est potius ratio a mandi alia.

Nec tertio obstat, quod naturaliter homo magis propendet ad amandas res sibi coniunctiores. Verum enim est hoc, ceteris paribus; non autem si cetera sint valde imparia, ut in proposito.

Nec quarto difficultas eiusmodi amoris obstat, ac præsertim, quod per vires naturæ Deum super omnia diligere nullo modo possumus, ut in materia de gratia dictum; hæc enim difficultas & impotentia non oritur ex contraria per se naturæ inclinatione; sed solum ex inclinatione appetitus sensitivus, contraria per accidentes & materialiter, ut & ex malis passionibus & habitibus. Quo sensu etiam Valentia loco citato asserit, si solum ad naturam hominis respiciamus, & ad nil aliud, vnde oriatur difficultas, posse Deum, ut auctorem naturæ super omnia diligere per vires naturæ, de quo suo loco de gratia ex instituto actum quæst. 3. dub. 3.

#### D V B I V M IV.

*An, es quareatione, quoad bona spiritualia, nos ipsos potius, quam proximum amare debeamus; contra vero plus proximum quoad bona spiritualia, vel etiā temporalia, quam nos quoad bona temporalia.*

S. Thomas 2. 2. q. 26. a. 4. & 5.

Q Vod ad ordinem charitatis inter nos & proximos attinet, tres questiones distinguenda & ordine resoluenda sunt. Primo quæritur, an & qua ratione quoad bona spiritualia nos ipsos potius, quam proximum amare debeamus; loquendo nimis semper de maiori amore appetitio. De qua re sequentes assertiones statuimus

ASSERTIO I. Ceteris paribus, semper charitas inclinat ad magis amandum seipsum quoad bona spiritualia, quam proximum. Ita S. Thomas hic quæst. 26. art. 4. & communis. Probatur ex Matthæi 22. vers. 39. *Diliges proximum tuum sicut te ipsum.* ubi velut exemplar fraternalis dilectionis constituitur amor erga se. Ergo hic potior, & magis à charitate intentus est. Idem colligitur ex Aristotele 9. Ethicorum 9. afferente, amicabile ad alterum esse ex amicabilibus ad se. Ratio est. Quia charitas hoc ipso, quod per se maxime inclinat habentem ad amandum Deum, & unionem cum ipso, per se etiam inclinat habentem ad ea bona sibi met potius, quam alteri procuranda, per quæ

fit talis vno: hæc autem sunt bona spiritualia.  
Ergo. &c.

52 Vnde colligitur etiam, quicquid Capreolus infra dixerit, charitatem magis etiam, cæteris paribus, inclinare hominem ad diligendum quoad spiritualia bona seipsum, quam communitem, vt indicat etiam Caetanus hic articulo 4. præsertim cum communitas non habeat se in genere rerum spiritualium, per modum causæ principalis, vt alioqui accidit in vita politica, vt post eundem recte notat Valentia questione 4. punct. 3. post quartam assertionem. Idem de B. Virgine asterit Bannes articulo 4. et si de Christo gratia & charitatis fonte secus opinetur, ob contraria rationem: habet enim se Christus quasi per modum totius, ex dictis dub. 1.

53 ASSERTIO II. Quoad bona spiritualia, necessaria in ordine ad ultimum finem, adeoque etiam quantum ad immunitatem à peccato, magis tenetur quisq; seipsum, quam proximum, aut etiam communitem diligere; vt proinde nullo casu liceat, cum aliquo peccato etiam veniali minimo salutem proximi procurare; et si totius mundi salus hinc pendere videretur, Ita cum S. Thoma hic q. 26. a. 4. & Augustino in psalm. 5. docent omnes. Patet ex illo Matthæi 16. v. 26. Quid enim prodest homini, si mundum uniuersum luceretur, anima vero sua detrimentum patiatur? Ratio est. Tum quia contradictionem implicat, peccatum vlo calu licitum esse. Tum quia Deus super omnia diligendus, vetat tali medio honorem suum procurari. Tum quia charitas nunquam inclinat ad aliquid, quod vel directe vel indirecte tendat ad sui destructionem.

54 ASSERTIO III. Nullo etiam casu, aut fine licitum est, absoluta voluntate velle carere gratia & charitate, etiam ad tempus solum; aut in perpetuum æterna beatitudine, etiam posito, quod ea carentia sine omni peccato stare posset. Ita Valentia quæst. 4. punct. 3. Caetanus, Bannes, & Arragonius hic q. 26. a. 4. contra Capreolum in 3. diff. 27. q. 1. a. 3. qui vniuersim existimans, secluso peccato, teneri quemque bonum spirituale commune anteferre bono spirituali proprio; existimat etiam, quemque posse ac debere, si peccatum abesset, velle carere beatitudine, si quidem id necessarium foret ad bonum spirituale commune.

Sed contrarium colligitur ex ratione primæ assertionis. Accedit quod quamvis carentia illa peccato vacare, adeoq; formaliter mala non esse ponatur, est tamen secundum se obiectiue mala, vt homicidium inuoluntarium; quod proinde velle non licet, ex materia de peccatis quæst. 8. dub. 7.

Illud Moysis Exodi 32. vers. 31. & 32. Aut dimittitis hanc noxiam, aut si non facis, dele me de libro tuo, quem scripsi: vel hyperbole & secundum quandam exaggerationem dictum accipiendum est; aut sermo est de libro principum Israël, ut videre est apud Vasquez 1. part. q. 24. Illud vero Apostoli ad Roman. 9. v. 3. Optabam enim ego ipse anabema esse à Christo, pro fratribus meis, ad præteritum solum tempus, quo Apostolus perse-

quebatur Christum & Ecclesiam, refertur, vt cum Hieronymo & Caetano notarunt sa ibidem, Vasquez loc. cit. & significatur in ipsis Bibliis Romanis loco citato in margine.

ASSERTIO IV. Licitum tamen est, habere conditionatam voluntatem illis carendi, si hoc Deo placaret. Ita Valentia loc. citat. Quia talis conditio adiecta purgat malitiam talis actus, ut tom. 2. de peccatis dictum q. 8. dub. 7. est que simul hic affectus, signum animi Deo plane subiecti, nec in vllis bonis creatis, qua præcise hominis bona sunt, ultimata conquiescentis.

ASSERTIO V. Bona illa spiritualia, quæ sub præceptum non cadunt, nec ad salutem animæ necessaria sunt, possunt, & nonnunquam etiam debent, propter salutem spiritualem, aut etiam temporalem proximi negligi. Ita ex communi Valentia loc. cit. Arragonius hic a. 4. Talia sunt ingressus religionis, oratio vel meditatio, hic & nunc non debita &c. Et in specie Arragonius: Probabile, inquit, est, quod pro salute spirituali communi alicuius Reipublicæ, potest quis ex debet ad certum tempus velle pati aliquam iacturam (circa culpam, tamen) in bonis spiritualibus. Itaque si aliquis concinnet, inquit, ex eo, quod vacat concionibus, & curat aliorum salutem, experitus se esse minus feruidum in oratione, quam cum vacabat vita omnino contemplativa, ille poterit & debet (si intelligit suam doctrinam esse necessariam) pati huiusmodi iacturam denotionis, propter communem aliorum salutem.

Prima pars assertoris de posse patet. Quia quod hic & nunc nulla lege præcipitur, potest ob bonum finem prætermitti; & vero etiam ipsa præcepta humana subinde, ob præsentem necessitatem propriam, vel alienam, desinere obligare, in materia de legibus dictum est, quæst. 6. dub. 5.

Secunda pars, quod debeant &c. Probatur ex illo ad Philipenses 1. vers. 23. & 24. Coarctor autem è duobus: desiderium habens dissolui, & esse cum CHRISTO, multo magis melius: permanere autem in carne necessarium, propter vos. Ratio est. Quia aliquando necessitas proximi, omnibus spectatis, adeo præponderat proprio eiusmodi modo, vt recta ratio hoc illi plane postponendum iudicet; præsertim cum alias etiam sepe actus ex obiecto minus fructuosi & boni, pra alij præstantioribus sub præceptum cadant; nec tam spirituale bonum proprium tali casu neglegatur, quam in aliud commutetur. Id vero in particulari quando accidat, partim ex particularibus circumstantijs, facta comparatione spiritualis damni nostri, & necessitatis proximi, prudenti iudicio discernendum est, partim alibi in varijs locis dicendum.

Secundo queritur, An & quomodo tencamus bona spiritualia proximorum anteferre proprijs bonis temporalibus. De hac re esto.

ASSERTIO I. Absolute loquendo, magis tenemur amare proximum quoad animam, quam nosipios quoad corpus, & bona temporalia. Ita Sanctus Thomas quæstione 26. articulo 5. & communis, post S. Augustinum lib. 1. de doct. Christ. cap. 27. vbi hoc ordine obiecta à nobis diligenda

diligenda commemorat, Deum, animam nostrā, animam proximi, & corpus nostrū, ac proximi. Probatur. Quia illud magis ex charitate diligendū est, quod habet perfectiore rationē diligibilis ex charitate: Sed consociatio in plena & intellectuali participatione beatitudinis, quæ est ratio diligendi proximum, est maior ratio diligendi ex charitate, quam participatio beatitudinis per redundantiam, quæ est ratio diligendi proprium corpus. Ergo &c.

**60 ASSERTIO II.** In extrema necessitate spirituali proximi, si spes certa sit eum iuuandi, nec aliundē maius incommode ex subuentione timeatur, quisque, si aliter iuuari proximus non possit, tenetur etiam vitam pro eo exponere. Ita S. Thomas loc. cit. ad 3. & q. 44. a. vlt. ad 2. Bannes, Arragonius ibidē, Valentia q. 4 punct. 3. Et communis Doctorum in 3. dist. 27. & 29. Probatur ex illo 1. Ioann. 3. v. 16. *Et nos debemus pro fratribus animas posse.* Item Ioann. 1. v. 12. *Hoc est præceptum meum, ut diligatis in uicem, sicut dilexi vos.* Et Augustinus de mendacio cap. 6. Tempore, inquit, vitam suam pro aeterna vita proximi non dubitabit Christianus amittere. Ratio colligitur ex dictis; quia absolute magis tenetur amare salutem spiritualem proximi, quam corpus nostrum & vitam, ut assert. præced. dictum.

**61** Vocabatur autem extrema necessitas spiritualis, quando proximus est in certo aeterna damnationis periculo constitutus, à quo scipsum moraliter non possit eripere. In quali periculo v. g. verantur multi infideles, præsertim apud Indos, habentes iniucibilem ignorantiam fidei Christianæ, ut recte dixit Nauarrus cap. 24. Manualis n. 10. Eadem necessitas sepe contingit, si quando occulte hæresis in aliquo populo rudi spargatur. In eodem periculo versatur infans mortibundus nondum baptizatus, qui proinde etiam cum vita periculo baptizandus est, iuxta Bannem hic a. 5. & Valentiam cit. punct. 3. contra Sotum lib. de tegendo secreto memb. 2. q. 2. cuius sententiam probabilem censem. Sa V. Charitas.

**62** Dixi tamen in conclusione, *si spes certa sit &c.* Nam si spes inepta sit, vix inquam ex charitate obligabit quispiam, ad tantum onus, ut supponunt omnes; et si ratione officij etiam cum probabili tantum spe subueniendi, in extrema necessitate, obligari videantur Episcopi, parochi, & Prælati, respectu subditorum, ut idem significant.

Dixi secundò, *Nec aliundē &c.* Nam si vel mea opera alijs sit magis vtilis & necessaria, aut alioqui maius damnum alijs, aut Reipublica, ex subuentione oritur sit, maius aliud bonū impediendum, tum potius minus illud malum permitteatur, ut euictetur maius.

**63 ASSERTIO III.** In gravi solū, eaque priuata necessitate spirituali proximi, in qua videlicet is non absque magna quadam difficultate saluti suæ consulere potest, et si quisque, cum potest, ex charitate teneatur ei subuenire, etiam cum nonnullo dispendio bonorum temporalium; non tamen cum probabili vita periculo. Ita citati. Prima pars colligitur ex 1. assertione. Secunda patet ex eo, quia contrarium nusquam probatur, nec est sine fun-

damento suaue per se onus charitatis tantopere aggrauandum.

Dixi tamen primò, *in priuata.* Quia in communi est alia ratio, eo quod gravis necessitas spiritualis communis, nunquam ferè est sine extrema priuatorum. Dixi secundò, *Ex charitate.* Quia aliundē potest esse obligatio, ut infra dicetur. Unde colligitur, inuasorem iniquum, et si perpetuō damnandum, si ad defensionem propria vita opus sit, licet occidi, ut recte citati. Quia iste non est in extrema necessitate spirituali, sed potius in extrema malitia.

**64 ASSERTIO IV.** Episcopi, parochi, & prælati, ex officio curam animarum habentes, tenentur ratione officij, pro sibi commissis, & spirituali eorum salute, etiam in gravi solū necessitate vitam suam exponere, si spes certa sit subueniendi. Ita communis apud citatos. Ratio est. Quia isti ex iustitia & officio, adeoque longè arctius tenentur subuenire sibi commissis. Non ausim tamen asserere, eos ad hoc teneri, si non sit spes certa iuuandi, licet id asseruerim sūprā in casu extremae necessitatis, in quo conueniens est, ut magis obligentur, quam in gravi tantum.

**65 ASSERTIO V.** Pastores proinde animarum tempore pestis nec fugere licet possunt, nec officium deserere, sed obligantur ad sacramenta, aliaque necessaria subsidia spiritualia suis oīibus administranda. Ita citati. Et colligitur ex præcedenti assertione. Accedit illud Ioann. 10. v. 11. *Bonus pastor animam suam dat pro oīibus suis mercenariis autem fugit.* Confirmatur. Quia ob hoc maximè dato stipendio conducuntur a subditis, ut in necessitate spirituali subsidium ab eis habeant. Quocirca nec magis eis fugere licet, quam militibus ad bellum conductis, hoste imminente. Quod si tamen idoneus aliquis ad obeundum munus pastorale se offeret, ei posset alter licet munus id committere, aut resignare, nec id merito possent ægrefferre subditi, ut ex communi recte notauit Valentia cit. q. 4. pun. 3.

**66 ASSERTIO VI.** In quacunque necessitate spirituali, qui quis teneatur saluti proximi prouidere, dum facile & sine magno dispendio suo, vel rei temporalis potest. Ita citati. Et probatur ex Ecclesiastici 17. v. 12. *Et mandauit illis, uniuicem de proximo suo.* Matthai 18. v. 5. *Si peccauerit in te frater tuus, vade & corripe eum &c.* Ad Ephesios 4. v. 32. *Estate inuicem benigni, misericordes &c.* Et præcedit ratio ibidem v. 25. *Quoniam sumus inuicem membra &c.* Ratio est. Quia etiam in temporali necessitate ad hoc tenemur, seruata proportione. Exodi 23. v. 5. *Si videris a sinu odientis te iacere sub onere, non per transibis, sed subleuabis cum eo.*

Quod si tamen necessitas proximi sit leuis, communiter non erit plus quam veniale, hoc charitatis officium prætermittere; nisi cum quis ex officio curam animarum habet, qui etiam in casu magnæ solū vilitatis, ex gravi obligacione, postulantibus subditis adesse tenetur, ut pote ad hoc ipsum etiam stipendio conductus, ut de sacramentis docetur.

- 67 **ASSERTIO VII.** Nemo tamen, per se loquendo, tenetur inquire in eiusmodi necessitates; nisi quis sit Episcopus, Parochus, aut Prælatus, hi enim in necessitates suorum subditorum etiam inquirentur: alij sufficiunt, si vltro occurrentibus modo explicato subueniant. Ita etiam citati. Quo fit, vt multis modis illi strictius obligentur ad subveniendum, quam cæteri. Plura inferius de correctione fraterna, & scandalo.
- 68 **TERTIUS** queritur, an & quomodo possimus aut debeamus, etiam quoad bona temporalia, proximum nobis anteferre.
- 69 **ASSERTIO I.** Bonum commune, in his bonis, per se loquendo, præferendum est proprio. Ita S. Thomas q. 32. a. 6. & significat hic q. 26. a. 3. 4. Caetanus, Valentia, communis ibidem. Pars enim naturaliter magis diligit bonum totius, quam proprium, in ijs scilicet rebus, quæ à bono totius proprie dependent.
- 70 **ASSERTIO II.** In extrema proinde necessitate etiam merè temporali, subinde à priuatis etiam vita exponenda est, pro salute Reipublicæ. Significat S. Thomas loc. cit. & est communis apud Valentiam q. 4. p. 3. & extra controversiam, si loquamur in casu, quo quis ex speciali officio seu pacto Rempublicain defendere tenetur, vt miles in bello, dux in exercitu &c. Ad hoc enim illi conducti sunt, vt cum vita periculo Rempub, defendant.
- 71 **ASSERTIO III.** An verò, seclusa obligatione speciali eiusmodi officij seu pacti, adeoque ex nuda obligatione charitatis, in necessitate merè temporali, quamvis extrema Reipublicæ, tenetur, quis vitam exponere, non constat. Richardus quidem in 4. dist. 45. a. 2. q. 5. & Syluester V. Ecclesiast. n. 2. significant, id esse tantum consilij, quo modo fere etiam loquitur S. Thomas q. 32. a. 6. Durandus autem in 4. dist. 17. q. 6. simpliciter negat, pro communi bono temporali & politico mortem oppetendam esse; et si fateatur, teneri quemque pro conseruatione boni communis (eius solum Reipublicæ, cuius ipse pars est) in quo etiam bonum proprium includatur, subinde se obijcere mortis periculo, ex quo tamen verisimiliter speret se evasurum. E contrario Aristoteles 9. Ethic. cap. 8. & Cicero de Amicitia, naturalis rationis ductu, simpliciter videntur sentire, cuilibet ciui pro incolumentate Reipublicæ etiam mortem oppetendam, cumid necessitas postulat. E quibus nulla sententia certa est, vt alij suam probabilitatem adimat.
- 72 **ASSERTIO IV.** Esti quidem quoad vitam, famam, libertatem, aliaque eiusmodi bona necessaria, si sola hæc inter se conferantur, magis sit charitatis inclinationi consentaneum, cæteris paribus, seipsum potius, quam proximum diligere; attamen per se loquendo, vbi vita solum cum vita comparatur, honestum ac laudabile est, intuitu amicitiae, pro amico seu quolibet proximo etiam mortem oppetere. Prima pars est communis apud Valentiam. Quia amor honestus sui, est regula amoris proximorum, vt dictum.
- 73 Secundam partem tradit S. Thomas in 3. dist. 29. q. 1. a. 5. ad 3. & lib. 1. de regimine Principum, idemque significat hic q. 26. a. 4. ad 2. Conscientiunt Bannes & Arragonius ibidem, Valentia q. 4. punct. 3. Victoria relectione de homicidio, Et est doctrina ac sensus SS. Patrum, atque etiam Philosophorum apud eosdem, præcipue Aristotelis loc. cit. quicquid nonnulli in contrarium dixerint, in quibus Durandus loc. cit. n. 12. assertit, licitum esse, probabili solum, non autem certo vita periculo, pro amico & bono communi temporali se exponere. Paludatus quoque in 4. dist. 15. q. 1. docet, nullo modo esse licitum negligere propriam vitam, pro conseruanda vita proximi; quem communiter, inquit Arragonius, sequitur fere major pars Neotericon. Sed probatur assertio ex Ioannis 15. v. 13. Maiorem hac dilectionem nemo habet, vt animam suam ponat quis pro amicis suis.
- Ratio est. Quia qui honestatis amore ductus, tam eximio officio colit amicitiam, adhuc simpliciter loquendo, seipsum plus diligit, quam proximum, vt prudenter etiam Aristoteles ibidem, & S. Thomas citatus in 3. notarunt. Accedit, quod nemo tenetur tanta cum difficultate, quanta est in proximi interitu negligendo, vitam seruare, vt nec per exquisitissima quædam & preciosissima, aut acerbissimi doloris remedia v.g. in membris abscissione perforanda. Eadem ratione afferit Sa V. Homicidium n. 17. & 18. post alios, neminem teneri occidere vnum, vt vel seipsum, vel etiam alterum, quamvis innocentem defendat; et si possit, saluo moderamine inculpatæ tutelæ, de quo suo loco de homicidio. Accedunt exempla Sanctorū, vt Paulini, qui pro altero seruituti se addixit, & Sancti Eustoli presbyteri, qui pro diacono ceruicem gladio subiecit, apud S. Gregorium 3. Dialog. cap 1. & 37. Admirabilius minusque imitandum est exemplum S. Emerani Episcopi, qui in dignitate Ecclesiastica constitutus, non solum vitam, sed etiam famam pro salute corporali nocentis hominis, quantum in se erat perdidit. Plura infra de Eleemosyna.

## D V B I V M V.

*An, & quis in ipsis proximis diligendis ordo seruandus sit; & an ordo charitatis maneat in patria.*

S. Thomas q. 26. a. 6. 7. 8. 9. 10. 11. & 12. 13.

**ASSERTIO I.** Est in ipsis quoque proximis diligendis ordo quidam seruandus, non solum quoad externum beneficium & charitatis effectum, sed etiam quoad internum amoris affectum. Ita ex communi, & certa S. Thomas hic q. 26. a. 6. post Aristotelem 9. Ethic. 2. quicquid nonnulli apud Magistrum, & S. Thomam ibidem, de interno amoris affectu in contrarium dixerint, quibus nonnulli fauet Augustinus lib. 1. de doct. Christ. cap. 28. vbi dicit, omnes homines aquæ diligendos esse. Sed vbi accepit voculam aquæ non pro æqualiter, sed pro pariter, hoc est, omnes sine exceptione: cum tamen in ipso effectu non omnibus sè subveniri possit, vt ibidem declaratur.

Proba-

Probatur assertio ex 1. ad Timotheum 5.v.8. Si quis autem suorum, & maximè domesticorum curam non habet, fidem negavit, & est infidelis deterior. & ad Galatas 6.v.10. Ergo dum tempus habemus, operemur bonum ad omnes, maximè autem ad domesticos fidei. Vbi licet quidem præcipue de externis effectibus amoris sermo sit, ex consequenti idem colligitur de affectu interno, ex quo externa amoris signa profiscuntur. Ratio est. Quia ratio diligendi, quæ est coniunctio vel cum Deo, vel cum amante, in diuersis diuersa est.

**76** **ASSERTIO II.** Magis quidem obiectiuè, amore complacentiæ, amandi sunt meliores & sanctiores, adeoque Deo coniunctiores, attamen interim coniunctioribus nobis, quantum in nobis est, desiderare atque etiam procurare possumus maiora bona spiritualia. Ita cum S. Thoma q. 26. a. 7. Caietanus, Bannes, Arragonius ibidem, & Valentia q. 4. punct. 5. ex communi, contra Durandum in 3. dist. 29. q. 1. quia posteriori parte dissentire videtur. Ratio est. Quia istis ex una parte non debet capacitas eiusmodi bonorum: ex altera parte hoc ipso, quod coniunctiores sunt, recte alijs possunt præferri.

**77** **ASSERTIO III.** Per se loquendo, & ceteris paribus, non solum in necessitate corporali & temporali quacunque; sed etiam in spirituali, saltē extremā, sanctioribus & quibulcunque alijs, etiam spirituali coniunctione nobis propinquis, simpli- citer anterendi, adeoque magis quam alij appreciatuè diligendi videntur carnali coniunctione nobis proximè coniuncti, vt parentes, filii, fratres carnales, maritus, vxor. Colligitur ex S. Thoma q. 26. a. 7. & 8.

Et prima pars, quoad necessitatem temporalem, est communis, & certa adeò, vt hic ordo in graui materiâ etiam sub mortali obliget. Ratio est. Quia vt ex Aristotele 9. Ethic. 2. recte docet S. Thoma q. 26. a. 8. in quolibet bonorum ordine, per se loquendo, magis diligendi sunt coniunctiores nobis secundum eundem ordinem, adeoque in ijs, quæ ad naturam spectant, magis consanguinei: in ijs, quæ pertinent ad civilem conuerstationē, conciues: in rebus belllicis, commilito- nes, adeoque dux exercitus magis, quam parentes.

**78** Secundam partem tradit Bannes q. 26. a. 8. recte tamen addens, hunc ordinem peruertere per se, non esse graue peccatum; non solum quia excessus coniunctionis in hoc genere non est admodum notabilis; naturalis enim coniunctio prior quidem est, antiquior, firmior, magis intrinseca, & sic etiam absolute loquendo maior, quæ est nostra sententia ratio; spiritualis tamen coniunctio est dignior & perseverantior: sed etiam quia contrarium non improbabiliter absolutè assentunt Caietanus ibidem, & Valentia loc. cit.

Dixi tamen primò, ceteris paribus, adeoque seruatà debitâ proportione coniunctionis in vtroque ordine; nam alioqui probabilius est, filium spiritualē v.g. præferendum fratri carnali. Dixi secundò, in extremâ necessitate, quia extra necessitatem extremam, rectius præferuntur filii spirituales carnalibus, vt colligitur ex S. Thoma a. 8. ad 2. quia illis ex proprio officio ad hoc obstringimur.

**79** **ASSERTIO IV.** Quoad bona spiritualia, ceteris omnibus, præter consanguineos proximos iam dictos, præferendi sunt spiritualiter nobis coniuncti, vt spirituales patres, filii, fratres. Ita cum S. Thoma cit. a. 8. ad 2. omnes. Ratio patet ex dictis; quia in hoc bonorum genere isti sunt nobis magis coniuncti.

**80** **ASSERTIO V.** Secundum bona debita seu necessaria magis diligendus est benefactor, quam ille cui benefecisti, licet hunc alioqui diligere facilius sit. Ita S. Thomas q. 26. a. 12. præfertim ad 2. ex communi. Probatur. Quia ad benefaciendum benefactor, præter communem legem charitatis, obligat peculiare debitum gratitudinis, ad benefaciendum alijs non item.

**81** **ASSERTIO VI.** Omnibus benefactoribus per se loquendo, præferendi sunt parentes, & filii. Primum de parentibus ex communi docent S. Thomas q. 26. a. 9. & infra q. 3. 1.a. 3. ad 3. Magister in 3. dist. 29. & apud eundem Origenes & Hieronymus, & insinuat Aristoteles 8. Ethic. vlt. & lib. 9. cap. 2. idque contra quandam Gerardum fusius defendit Buridanus 9. Ethic. q. 3. Ratio sumitur ex summo & tam diuturno beneficio & affectu parentum in filios.

Secundum de filiis intelligitur tum ex naturali propensione parentis in filium; tum quia hic maximè coniunctus est parenti. Interim si quis benefactorem, cuius periculo vitam ipse seruavit, filio præferret, absolutè dammandus non esset; cum res non adeò sit certa.

**82** Quæ de causa etiam Arragonius q. 26. a. 8. post Victoriam, Canum, & Sotum ait: *Quod si fiat comparatio inter amicum redemptorem, & filium, ambobus in extrema necessitate existentibus, pro libito posse unusquis, huic vel illi subuenire, quin etiam per accidens fieri potest, vt tam parentibus, quam filiis, iure præferri possit, eti non debeat, insignis eiusmodi benefactor, si nimirum parens est contrario admodum fuerit erga filium impius & crudelis, aut hic erga illum contumax, vt ex communis docent Valentia & Bannes: idque multò verius est in fratribus, quos tamen ipsos fortassis nemo quantumvis magno benefactori extraneo poshabere teneatur, eti contrarium sentiant Bannes & Arragonius loc. cit. Secus est de alijs consanguineis minus coniunctis; his enim fieri potest, vt etiam sub mortali peccato teneris alium insignem benefactorem præferre, vt docent ijdem Banns & Arragonius, post S. Thomam q. 26. a. 10. & Ambrosium apud Magistrum in 3. d. 29. afferentem *bones domesticos esse malis filiis præferendos*.*

**83** **ASSERTIO VII.** Comparando ipsos consanguineos inter se, in extremâ necessitate, patri ante omnes, hinc matri, deinde filiis, postea marito vel vxori, postremò fratribus subueniendum videatur. Ita Bannes, Valentia & Arragonius loc. cit. & colligitur ex S. Thoma q. 26. a. 9. 10. & 11. & q. 3. 1. a. 3. ad 4. Magistro in 3. dist. 29. Bonaventura q. 4. Gabriele q. 1. quicquid isti duo alioqui dicant, naturalis magis terri in filium, quam in patrem. Ratio est. Quia saltē moraliter rem afflantudo, excellentior & potior ad illos, quam ad istos videtur esse coniunctio esto alioquin physicè

magis quodammodo diligenti coniunctus sit filius, quam pater, vt docet S. Thomas cit. a. 9. ex Aristotele 9. Eth. c. 12. 1. quia Parentes diligunt filios, ut aliquid sui existentes. 2. quia Parentes magis sciunt, aliquos esse suos filios, quam ē conuerso. 3. quia filius est magis propinquus parenti, ut pote pars existens, quam pater filio ad quem habet habitudinem principij. 4. quia parentes diutius amuerunt: his enim omnibus cedit, quod filius habet suum esse à parentibus: in quibus ipsis cum Pater habeat rationem principij actiū & nobilioris, iure preferatur matrī, iuxta S. Thomamart. 10.

Et præcipue notandum, quod ait S. Thomas a. 9. ad 3. In necessitatibus obligatus est filius ex beneficio suscepit, ut parentibus maxime prouideat. Quocirca etiam hanc conclusionem ex eius mente extendendam esse putarim ad quamvis notabilē corporis necessitatem, seruatā proportione, & ceteris paribus, licet Arragonius a. 11. putet, extra casum extremae necessitatis, magis subueniendum coniugi; quin etiam Sa v. *Charitas* n. 3. simpliciter uxorem matrī preferat.

84

**A S S E R T I O V I I I .** Extra talem necessitatem, quoad bonatum temporalia, tum spiritualia, quae spectant ad perficiendum, aut promouendum bonum illud, quod habet homo ultra suum esse, filii Parentibus, & coniunx quoad mutuam cohabitationem, & domesticā obsequia, tam filijs, quam parentibus præferendi sunt. Ita docent citati. Et colligitur ex Aristotele 9. Eth. 2. & S. Thoma loc. cit. præcipue a. 9. vbi ait; Parentibus magis debetur honor, filiis autem magis cura prouisionis.

Ratio primae partis est; quia filii non debent thesauri care parentibus, sed parentes filiis. 2. Corinth. 12. v. 14. Secunda pars patet ex Genes. 2. v. 24. Quoniambrem relinquit homo Patrem suum, & matrem, & adhuc erbit vxori sua. Imò & filiis, extra necessitatem extremam, simpliciter preferendam esse coniugem, nonnulli putant, & indicat Caietanus a. 11.

85

**A S S E R T I O I X .** Ea, quæ hactenus dicta sunt, intelligenda sunt per se, & ceteris paribus, adeoque respectu eiusdem necessitatis & gradus, licet in diu: so coniunctionis genere, vt rectè etiam indicavit S. Thomas a. 10. & apertius q. 31. a. 3. Alioquin enim dubium non est, potius extraneo in extrema necessitate, quam consanguineo in leuiore, & in spirituali extrema cuius proximo potius, quam parentibus etiam in extrema corporali subuenientur.

dum esse. Similiter quoque, si dispar sit coniunctionis gradus, semper inter humana solum coniunctione nobis coniuctos insignis aliquis amicus, aut Pater spiritualis præferri poterit, & non unquam etiam debebit consanguineis, non nisi remoto, gradu nobis propinquis, ut superius diximus, & non aut etiam Valentia loc. cit.

**A S S E R T I O X .** Quinetiam his non obstantibus, si quis præscripto quoad consanguineos ordinene, electo, filios parentibus, aut matrem patri, aut coniugem tam parentibus, quam filijs bona fide præponeret, is non esset peccati mortalis condemnandus. Supponunt hoc communiter omnes, speciatim Arragonius a. 11. Ratio est non solum, quod in re non admodum manifesta, facile excusari potest ignorantia, & bona fides; quin etiam per accidens interuenire aliquid, ob quod fecus agendū, quam dictū est: Sed etiam quia non videtur tantus excessus coniunctionis, seu amabilitatis in ipsis, vt sufficiat ad obligationē adeo grauem inducendā. Vnde etiam S. Thomas hac de re differens ait; vos diversa ratione semper excedere, & a se vicissim excedi, ita quidem, vt parentes sint obiectum melius & prestantius, adeoque ex parte obiecti magis amandi, quam filijs & coniunx, sed minus tamen ratione, coniunctionis ad ipsum diligentem, seu ex parte diligentis.

Quod ad secundam partem dubitationis attinet, utrum videlicet ordo charitatis maneat in patria. Respondeo cum S. Thoma q. 26. a. 13. manere quidem eatenus, quatenus & illic Deus super omnia diligendus, & obiectiuē, amore videlicet complacentia, plus diligendi illi, qui sanctiores & beatores, & intensius, id est, firmius, & magis appetituē ipsi met diligens, quam ceteri beati: attamen facta comparatione ipsorum beatorum inter se, non omnino eodem modo rem se habere. sicut se haber in viā, hic enim sanctioribus simpliciter præferuntur in amore, quoad estimationem, coniunctiones nobis, quia videlicet isti indigi & capaces esse possunt majoris boni, quam habeant ipsis nunc sanctiores: at in cœlis, vbi omnis eiusmodi indigentia & capacitas cessat, sanctiores absolutē & simpliciter præferri coniunctionioribus, ita ut rationabiliter non possumus nobis coniunctionioribus maiora bona velle vel optare, quia non sunt eorum capaces, sed quisque beatus sua sorte & conditione contentus est, vt diximus tom. 2. disp. 1. q. 4. dub. 1.

#### Q V A E S T I O I V .

De actibus & effectibus internis & externis Charitatis; adeoque etiam de Misericordia & Beneficentia, deque dono Sapientie Charitati respondente, ac præceptis charitatis.

S. Thomas 2. 2. q. 27. 28. 29. 30. 31. 44. 45. & 46.

Bsoluetur hec questio quatuor dubitationibus. I. De varijs actibus & effectibus charitatis speciatim internis, ut amore, gaudio, & pace. II. De Misericordia & Beneficentia ad externos charitatis actus spectantibus. III. De dono Sapientie Charitati respondentibus. IV. De præceptis Charitatis, speciatim quod & quotuplex de dilectione præceptum extet, & num in hac vita impleri posse, & quandonam obliget.

DVBIVM